




Te Avae Novema 1953

TE HEHEURAA API

Te Tohuraa a te Hoê Perepitero.

Iritihia ei Re'o Tahiti e Taumata â Tekulanehe

Teie i raro nei te tohuraa tei tohuhia e te hoê Perepitero (orometua) Katorika, no Basil Switzerland, no te matahiti 1739. Te vai maitai noa nei â teie tohuraa i roto i te hoê buka e vai maitai ra i roto i te fare rahi vairaa buka no Switzerland.

“Te Evanelia parau mau o tahito ra, e to'na atoa ra hoi mau horoaraa, ua mœ roa ia. Te mau haapiiraa haavare ana'e te toe nei i roto i te mau haapaoraa atoa o teie nei ao. Tiara te tia ia tatou ia rave, maori ra, ia haapii i te taata ia haapao maitai, ia mata'n i te Atua, ia haapae i te ino, e e pure i te Atua. Na roto i te pure mate aau viivii ore, e nehenehe noa te melahi ia tae mai i te hoê tei peapea to'na ra aau, area ra, e parau atu vau ia ontou e, e parau faahou mau â te Atua na te ra'i mai i roto i te mau hanere matahiti i mua nei. E faahoi faahou mai â Oia i te Ekalesia tahito ra. Te ite nei au i te hoê pupu taata e arataibia ra e te hoê Peropheta, e te hoê peretibutero faaroo ra. Ua haamani ino hia ratou, ua tiavaruhia i rapae, e ua taparahi hia hoi; area ra, i roto i te peho i te hiti o te hoê roto rahi, ei reira ratou e patu ai i te hoê Oire rahi, e ua faariro hoi i te reira ei fenua nehenehe; e Hiero nehenene to reira, e tei ia ratou te autahu'araa, te apoosetolo, te Peropheta, te haapii,

te diatono, etc, e haaputuhia mai to te mau nunaa atoa ra te mau feia i faaroo ra, e ei reira atoa hoi te Atua Puai ra e parau faahou mai ai i te mau feia i faaroo ore ra na roto i te patiri, te uira e te mau haamouraa tei ore â te taata i ite i te faito mai te reira te huru i mua''.

Ia tai'o maitai tatou i teie nei tohuraa i nia nei, e ite ihoiaia tatou e, e mea faauru-mau-hia teie nei perepitero i te parauraa mai i taua mau parau ra, no te mea ua tupu te taatoaraa o ta'aa i parau ra. A faaan maitai na tatou i ta'na e tohu nei e ta te Ekalesia e haapii nei:

Ta Te Perepitero

“Te evanelia tahito -- e to'na mau horoaraa, ua moe.”

“E pure e tae mai te melahi, e parau faahou mai â te Atua, -- hanere matahiti i muri nei.”

“E faahoi mai Oia i Ete kalesia Tahito.”

“Te ite nei au i te hoê pupu taata arataihia e te peropheta, e te hoê peretiputero faaroo. Ua hamani ino hia, tia varu

Ta Te Ekalesia Haapiiraa

Ua tupu te taivaraa i muri i te tau no te mau apoosetolo, ua taparahihia ratou e ua afai hia te mana i te ra'i.

Na roto i te pure, ua fâ mai te Atua e te tamaiti ia Iosepha Semita. E na roto atoa i te pure, ua fâ mai te melahi ra o Moroni.

Ua faatiahia te Ekalesia i te anotaui hopea nei i te ono no Eperera 1830.

Ua aratai noa te peropheta i te pupu no te feia mo'a e tae noa'tu i Keterani, mai reira hoi i Navu mai Navu atu i

hia, e taparahi hia;

te mau moua ofai ra na Berikama Iuna (peretiputerofa-
aroo) ia i aratai.

“E tae ratou i roto i te hoê peho iti i te hiti no te hoê roto rahi, ei reira ratou e patu ai i te oire, e e faariro i te reira ei fenua nehenehe; e Hiero nehenehe to reira.

I to ratou aratai raa hia e Berikama mai Nava atu, ua tae ratou i te mau moua ofai i roto i te hoê peho i te hiti no te hoê roto rahi tei parau hia e, “te roto miti rahi.” E rave rahi te mau hiero ta ratou i patu i reira, e i teie nei ua riro tana fenua ra ei fenua i hau i te nehenehe.

“Tei ia ratou -- te autahu‘a-raa, te peropheta, te apoosetolo, te haapii, te diatono, etc.

Teie ana‘e te Ekalesia i roto i teie nei ao e mana autahu‘a-raa to ratou, e peropheta to ratou, e apoosetolo hoê ahuru emapiti, e mau pupu haapii e te mau pupu dia‘onoa toa hoi to ratou.

Ia hi‘o maitai tatou i te tohuraa a teie nei perepitero, e te mau haapiiraa a te ekalesia nei, aita roa‘tu ia te hoê a‘e vahi i huru e. No te matahiti 1739 te tohuraa, e no te matahiti 1830 te tupuraa o te Ekalesia i te anotan hopea nei, oia hoi e iva ahuru e ma hoê matahiti te arearaa te tahi i te tahi. No reira e homa, e au te parau mau i te hoê oroï mohina i te huru, ia tamata tatou ia taumi ia‘na i raro i te pape e a faarne atu ai, e hoi faahou ihoa ia ona i nia faahou â i te pape painu ai. Oia atoa i te parau mau, mo‘e noa‘tu â, e iteahia mai ihoa ia i tera mahana e i tera mahana, noa‘tu te vahi e noa‘tu te taata.

Te Parau Tohu No Aberama

Genese 15-16-17

I te mau mahana no Melehiteteta te ora ra te hoê taata parau tia oia hoi o Aberama. Oia atoa te hoê o tei faarii i te autahuaraa moa ra na roto i te faatoroaraa a Melehiteteta. Te parahi ra hoi Aberahama e ta'na atoa ra vahine purotu o Sari area ra aita a raua ra e tamarii. O tei faatupu ia i to raua ra oto rahi. Noa'tu a ia i ta raua ra mau pure mai te ani atu i te Fatu ia faarii i te tamarii, aita atura hoi te Fatu i tun mai i taua haamaitairaa ra.

Ia tae aera i te hoê mahana ua farii ihora raua Aberama i te hoê heheuraa m i te faaroo atu i te Fatu i te parauraa'tu "Eiaha e mata'u e Aberama, o yau teie o to'oe paruru e te tumu o to oe na manuiaraa."

I reira ua ani faahou atura Aberama i te Fatu e tia anei ia'ua ia horoa atu i te tamarii ia raua ra, no taua uiraa na'na ra, ua parau atura te Fatu "A hio'ana i te ra'i i teie nei taima e a tai'o na i te mau fetia e tia anei ia oe ia faaite mai i to ratou ra rahiraa; oia atoa ia te huru o te rahiraa o ta'u e horoa atu na oe na. Tiaturi ihora Aberama i taua mau parau tohu ra o tei faatupu ia i to'na ra oaoa rahi.

Area ra ua mairi ihora hoi te mau matahiti e aita rea e tamarii i roa'a no te haamaitairaa i to raua ra utuafare. E tae taura i te iva ahunuraa o to'na ra matahiti ua fâ faahou maira te Fatu ia Aberama mai te faaapi faahou atu i ta'na ra mau parau tohu i te reo atoa i te parauraa e

“Na’u e faahotu i to’oe na utuafare (huaai) Inaha ua topa ihora Aberama i mna i te Fatu i te maere hoi i to te Fatu parauraa’tu tei ia oe na hoi Ta’u nei fafauraa e e riro atoa hoi oe ei metua no te hoê nunaa rahi. I taua taime atoa ra ua tau i ihora te Fatu i te i’oa o Aberama ei Aberahama.

Mairi aera e toru ahuru na matahiti e aita a ia raua i farii atura i te hoê tamarii. No reira fâ faahou maira te Fatu ia Aberahama, areai taua taime ra ua haamaitai maira Oia i Sari mai te tuu atu i te i’oa ra o Sara, maori ra te arii vahine.

Na nia i te taime a haamaitai atu ai te Fatu ia Sara, ua parau atoa atura Oia e riro Sara ei metua vahine no te mau arii e no te hoê nunaa. Area o Aberahama ra te feruri noa ra ia oia i nia i te tupuraa o taua mau mea ra; inaha i taua taime ra e iva ahuru ia matahiti to Sara e to’na ihora tei nia ia i te hanere. Ua faaite maira te Fatu e tupu ihoa taua mau tohuraa ra. Ua titau atoa ihora oia i te faaroo o Aberahama e oia atoa te paari i te tia i tamauraa. Na roto i taua taime ra ua faaite atoa atura te Fatu ia’na e farii ihoa ia raua i te tamarii mai taua taime ra e tae atu hoi i te matahiti i muri mai, e ta raua hoi e topa atu i te i’oa ra o Isaaka.

Mai ta te Fatu i faaite mai ra, ua fanaubhia mai ra Isaaka i roto i te oaoa tahi o to’na ra na metua. E mai taua taime ra ua roaa mai ra ia raua te iteraa e haapao ihoa te Fatu i Ta’na ra mau paran tohu noa’tu te huru o te taime

e oia atoa hoi te huru o to tatou nei tiaraa. Mea na roto hoi i to'na ra i te paari itaa ai te Fatu i te mau taime maitai no tatou ia faarii i ta'na ra mau haamaitairaa.

O Isaaka ra o te tamaiti ia o tei tohuhia mai. Ua parau atu hoi te Fatu ia Aberahama e Sara e riro raua ei na metua no te hoê nunaa rahi e oia atoa no te mau arii e taua tohuraa ra na roto ia ia Isaaka te faarahiraa. Ua haamatai noa ihora raua ia'na ia riro oia ei taata parau tia o tei faatia i ta te Fatu ra mau parau tohu. Ua riro te reira ei faufaa rahi roa no te mea aita o Isaaka i riro ei tupuna anae no te mau nunaa maorira no te Fatu atoa.

Ua maiti maitai mai ra te Fatu i te hoê huaai o te faafanau mai i Ta'na ra Tamaiti. Mea na roto hoi i te faaroo o Aberahama e o Sara o ratou i maitihia ai e oia atoa no te tamataraa i to ratou ra faaroo i taere ai te fananraa o Isaaka.

Te Tahoeraa, Te faufaa Rahi Ia O Te Utuafare.

Teie ia te ohipa tumu a te Ekalesia a Iesu Mesia, oia hoi, te faatupuraa ia i te tahoeraa i roto i te taata tatai tahi, e te tahoeraa atoa hoi i rotopu i te mau tamarii a te Atua. Eaha ia te huru o te mau metua o te faatupu nei i te peapea e te tapitapi i roto i te aau o ta ratou mau tamarii?

Te parau nei au no nia i te mau Feia Mo'a no te Mau Mahana Hopea Nei, e aore ra, no nia i te tahi mau melo o te Ekalesia o tei tono atu i ta ratou mau tamarii, ei faaiteraa e melo ratou, i te mau pureraa, i ta tatou mau Haapiiraa Sabati, o tei titau ia haere atu ta tatou mau ta-

marii i te mau pureraa Antahu'araa, e tei tauturu hoi, ia tae te taime, ia farii i taua antahu'araa, o tei ore hoi, i roto i to ratou iho mau utuafare, e faaite mai i te haapiiraa maitai.

I roto i taua huru ra, te haere nei te tamarii i te Haapiiraa Sabati e i reira ua haapiihia oia ia riro mau oia ei melo papu no te Ekalesia; ua haapii atoa-hia-hoi oia i te mau parau matamua no te evanelia. E ia haere mai oia i te fare e ite ia oia e, aita te reira mau parau matamua e haapaohia nei i roto i to'na iho utuafare.

Noa'tura i te reira, te haapii nei te Ekalesia ia'na i te mau parau a te Faaora, oia hoi: "A faaturaa'tu i to metua tane, e i to metua vahine atoa hoi."

Ua rave rahi te mau metua, i roto i te haapaoraa i te parau ohie no te Parau Paari o te imi nei i te otoheraa no te oreraa e haapao i te reira, na roto i te parauraa e, te farii nei matou i te manihini i te fare, e aore ra, te farii nei matou i te tahi mau feia faatere ohipa. Teie ia te parau mau, oia hoi, hoê noa iho tumu e vai nei no to ratou haapao-ore-raa, te oreraa te tiaturi mau, e aore ra te mata'uraa i te paruraa a te taata.

Aita e metua e vai nei o tei hinaaro i te haamanuia noa i ta ratou mau tamarii. O te metua te na reira, e parau ia tatou e, e mau metua iino ia ratou, e inaha, e ohipa ino ihoa teie, e tei hau roa'tu i te peapea, oia hoi, i te tauraa i te tamarii i nia i te tara o tei tapitapi i te mea ta ratou e faatura.

I apaihia e Iosepha Fielding Smith.

To Te Atua Tamataraa Ia Aberahama

Ua tamata pinepine noa ihora te Fatu i to'na ra mau tavini no te fafaraa i to ratou ra mau faaroo e te mau tiaturi hoi Ia'na. O Ta'na atoa ia ravea ia Aberahama.

E oaoa rahi hoi tei tupu i roto ia Aberahama e Sara na roto i te fanauraa o Isaaka. Ua paari oioi noa ihora taua tamaiti nei e ua riro atoa ihora hoi ei faaanaanataeraa ia raua. Area o Aberahama e Sara ra ei na Taata faufaa rahi roa ia na roto i te rahiraa o ta raua ra mau auro, ario e te mau faaapu puatoro. Ta raua ra faufaa rahi e nounonhia hoi e raua ra maori ra ia o Isaaka. Ua tiahi maitai noa hoi raua ia'na na roto i te mau taime oia a paari ai i tera mahana e tera mahana.

Area na roto i te puai rahi o to Aberahama hereraa i ta'na ra tamaiti aita anei oia e haamoe atu i te haapao noa ia Isaaka.

Ua riro anei na roto i ta'na ra tamaiti e haamoe ai oia i te tavini atu i te Fatu, o tei horoa mai i taua tamaiti ra. Ua opua iho ra te Fatu i te tamata ia'na. Mai Adamu, Noa e rave rahi atu hou oia, ua hamani atoa ihora Aberahama i te fata a pupu atu ai i te tusia i te Fatu.

Ia tae a'era i te hoê mahana ua faaroo ihora oia i te Fatu i te parauraa'tu. "A rave i to tamaiti i tena na i to tamaiti hoê ia Isaaka, ta'oe e here na a haere ai i te fenua o Moria pupu mai ai ia'na i reira ei tusia ta auahi i nia i te hoê mona Na'u e faaite atu ia oe.

Eaha hoi teie o ta te Fatu i parau mai ra? Pupu ia
Isaaka eiaha te hoê piuia mamoe?

E oaoa rahi hoi tei tupu mai na roto i te aau o Aberahama
i te pupu atu i te Fatu eiaha hoê anae maorira pauoa te
rahiraa o ta'na ra mau faufaa. Area ra ua ani atu te Fatu
i ta'na ra tamaiti ia Isaaka. Eaha ia te huru no to Abera-
hama faaroo i te Fatu i taua taimera, ua here roa hoi oia i
taua tamaiti ra e na hau a'e to'na ra hinaaro i taua pohe
no'na ra i te ite atu oia i ta'na ra tamaiti i te poheraa.

I reira na haamana'o ihora oia i te mau tohuraa o ta
te Fatu i tuu atu ia'na. Ahiri oia e rave atu ia Isaaka na-
hea ia te faatupuraa i tana mau parau tohu ra. E ere anei
to'na te utuafare o ta te Fatu e faarahi atu mai te mau fetia
o te ra'i.

Aita atura te aau o Aberahama i feaa faahou. Ua
pee hoi oia i te e'a o te Fatu i ta'na mau parau ia'na ra,
e na roto i te hioraa i te reva, ua ite ihora oia i te haapuai-
raa o to'na ra huaai. No reira ua papu ihora oia i te puai o
to'na ra mana, o te faatupu ihoa ia i to'na ra aantae i te
haamoriraa i te Fatu, noa'tu te huru e noa'tu hoi i te pupu
atu i ta'na tamaiti ia Isaaka i nia i te hoê fata ei tusia.

Ia tae aera i te poipoi o te mahana i muri mai, ua
faaineine ihora Aberahama ia'na e ua faaara ihora i ta'na
ra tamaiti mai te titau atu ia'na ia apee atu na muri i to'na
ra metua i roto i na pue mahana tootoru o to'na ra tere.
Area ra eaha ia ta Aberahama e parau atu ia Sara na nia
i to raua ra tere? Inaha ua mata'u ihora oia i te haapeapea
atu ia'na.

I muri mai i to'na ra maitiraa e piti na tavini no te tautururaa ia'na ua ratere ihora oia e Isaaka i to'na ra pae atau. Te vahie o ta ratou i haaputaputu ra ua tuuhia ia i nia i te puaahorofenua. E i muri a'e i na mahana e toru o to ratou ra haerea, ua ite atura raua i te mon'a ra o Moria o ta te Fatu i faaanu atu no te faatiaraa i taua fata ra. I reira ua fariu maira te Fatu i taua na tavini No'na ra mai te parau'tu. "A parahi na orua e te ateni e haere mana e te tamaiti nei i o a'e e haamori i te Atua."

I reira ua iriti maira Aberahama i te vahie mai te tuu mai i taua ateni ra e na tuu atu ra i nia ite tua o Isaaka. Te afai nei hoi oia i te vahie o to'na iho ra fata. Area o Aberahama ra te tapea nei ia oia i roto i te hoê rima i te tipirahi no te faaineineraa i taua oroa ra, ei roto i te tahi ra, te mau ravea ia no te faaamaraa i taua tusia ua'na ra. I reiaa na haere ihora raua too piti no te ohipa o to raua ra toro'a.

I roto i to raua haerea ua tupu ihora te maere rahi o Isaaka o tei parau atu i to'na ra metua "E papa, te vai nei hoi ta taua vahie e te mau ravea no te tutahuraa'tu teihia a'era te tusia na taua ra.

A tae atu ai raua i te vahi o ta te Fatu i faataa. Ua faatia ihora Aberahama i te Fata i raro a'e i te tantururaa a Isaaka. Te tupu noa ra ra te maere rahi o Isaaka o tei ni faahou atu i to'na ra metua. Teihia a'era hoi te tusia a te Fatu?

I reira ua pahono mai ra te Fatu mai te taamuamu atu i ta'na ra tamaiti e mai te tun atu i nia i te fata. E mai te oto rahi na rave ihora Aberahama i te tipi e ua haamata ihora te taparahi i ta'na ra tamaiti o tei rurutai noa.

Ua pupu maira hoi te f'atu i te ohipa na'na ra: e ua tamatahia hoi Aberahama. Area i taua taime nei ra te rave nei ia oia mai te huru e ere i ta'na ra tamarii. I te taime oia i faanahonaho ai i te taparahi i ta'na ra tamaiti, ua faaroo ihora oia i te hoê reo i te parauraa mai. "E haamaitai rahi roa van ia oe na, e faarahi van i to oe na huaai mai te fetia o te reva e mai te one tahatai, e e haamaitaihia hoi te mau nunaa o teie nei ao no to oe na nunaa, inaha hoi na faaroo mai ce i to'u nei reo.

Ia hi'o a'era ia i mua i to'ua ra aro, ua ite ihora oia te hoê mamoe oni. Inaha na tuu ihora oia i ta'na ra tamaiti mai te haru atu i te mamoe o ta'na i pupu atu i na taime i muri mai. Haamaitai maira hoi te Fatu ia Aberahama no te ohipa maitai o ta'na i rave ra.

E mai taua mahana ra ua riro ihora oia ei metua no te mau taata parau tia. E te mau nunaa o Isaraela na riro ana'e ia na roto mai i to'na ra huaai tae noa'tu i te Tamaiti Fauantahi a te Fatu o tei fanau atoahia mai na roto mai i to'na ra haamaitairaa.

Ta

roo ho
i te pa
Fatu,
pahono
mau m
to tato

o te or
ia hi'o
nei, i r
i te faa
hou att
ra'i, e

mea at
ti, ia r
i mua
ore o t
papu o

no te f
ia oe, r
o te m
man e

Ta te Taata Titauraa o te Hanahana ia o te Atua.

Mai te mea e pure tatou ma te aatae mau e te faa-roo hoi, e tae mai ia, ia tatou nei, mai tei papaihia i roto i te parau mo'a, te pahonuraa i te pure tei ui atu: "E te Fatu, eaha ta oe e hinaaro ia rave au? "Ua pinepine te pahonuraa i te tae mai tei na o mai e, ia rave tatou i te mau mea ta tatou e hinaaro i te rave ma te tiatouu maite to tatou mata i te hanahana o te Atua."

Eaha ia te rahiraa o te paari te vai i roto i te mau peno o te oraraa ahiri taua titauraa i vai noa i mua i to tatou aro, ia hi'o tatou i to tatou mau raveraa i roto i to tatou oraraa nei, i roto hoi i te mau faaotiraa, ia faatanohia te reira i nia i te faatupuraa i te hoê oraraa te faatia ia tatou ia tomo faahou atu i mua i te aro o te Fatu, to tatou Metua i nia i te ra'i, e ia noaa mai ia tatou te mea tei paraubia te ora mure.

Ahiri tatou e taman noa i te haamana'o e, te mau mea atoa ta tatou e rave, e te mau faaotiraa ta tatou e faaoti, ia ravehia te reira ma te feruri noa i te titauraa mure ore i mua ra, ma te mata i te tiatonuraa i te hanahana mure ore o te taata, i roto i te a'o tiretiera, eaha ia te hurn o te papu o ta tatou mau faaotiraa ra.

Mai te mea ua rahi roa te fifi no ta outou mau ohipa no te feruriraa o te taata, e aore ra, ua teiaha roa, e tia atoa ia oe, mai te mea e taata faaroo oe e ua tiaoro oe i te pihaa o te mana o te ra'i ra, e tia atoa paha, i te mau hora fifi mau e te taime peapea, te hoê melahi o te Atua i pihaiho

ia oe, noa'tu teihea oe noa'tu i ta oe e tavini na.

E noaa ihoa i te taata te ora i te huru oraraa, te ite mau raa e, te ora mau ra te Atua, e o Iesu ra, o te Mesia mau ia Oia, e mai te mea te hinaaro nei Oia i te titau tamau noa ia noaa ia'na te ite e, ua faatiahia anei to'na ra haereraa, oia ia te taata te ora i te oraraa tei i roa, i o nei, e o tei faaineine ia'na iho no te ao tiretiera, oia hoi ia ora oia e a muri noa'tu i pibaiho i to'na ra Metua i te ao ra.

Papaihia e Harold B. Lee.

PARAU RII API

Ua Himene Ratou i Mua i te Aro o na Taata e 63.000.

I teie nei mau mahana i mairi a'enei, ua hahae na Orometua e pae, tei topahia tei i'oa "Te Momi Himene" na roto i te fenua Tapone, e teie ia ta ratou ohipa, oia hoi i te himeneraa i te mau vahi tei haerehia e ratou ra. Ua haere ratou i na oire o Tapone e 33, e ua himene ratou i reira no na taima e 179, e ua tere ratou i te atea ra e 5.000 maile na nia i te fenua Topone paatoa.

Te tumu no te ratou tere himene, teie ia, eiaha ana'o no te pororaa'tu i te Evanelia, i te ini-atoa-raa ia i te ravea no te paturaa i te tahi mau fare pureraa api, e te mau hoa atoa hoi, e ua manuia roa ratou, no te mea ua roa ia ratou 11.000 tara moni marite.

A taa e atu ai to ratou himeneraa i mua i te aro o te mau taata e rave rahi, 63.000, ua himene atoa ratou i roto i te mau radio e i mua hoi i te aro o te mau faehau te parahi ra i te fenua Tapone.

Na roto i te ohipa ta ratou i rave, ua farerei haere ratou i te mau feia imi faufaa e rave rahi to taua fenua ra, ma te haapii atu i te mau parau tumu no te Evanelia e te faahoaraa hoi ia ratou.

Teie ia te i'oa o taua mau Orometua ra, o Ronald T. Pexton, Richard Olsen, David H. Mooikeha, o Russel W. Oakey e o Wendel W. Jensen.

Te Ekalesia I Korea.

Te faait-hia ra, i roto i te hoê ve'a no te Ekalesia e, no roto mai i te ati e te pau tei tupu i te fenua Korea, ua tupu mai te hoê pupu iti no te Ekalesia tei tupu mai na roto i te faaroo e te itoitō mau o te hoê taata, oia hoi, o Taote Ho Jik Kim.

Ua fanauhia teie taata i Korea e ua paari oia i roto i te faaroo o to'na ra mau tupuna, oia hoi te haapaoraa a Confucius, area i muri a'e i to'na imi maiteraa, no na matahiti e rave rahi, ia itehia ia'na te auraa mau no te ohipa o te pae varua, riro atura oia ei taata Cherisetiano. I te matahiti i muri a'e i te haamataraa o te tama'i tonohia'tura o Taote Kim i te Haapiiraa Teitei i Cornell no te haapii faahou a no nia i te ohipa no te pae o te faaapuraa i te maa. I to'na parahiraa i te oire i New York ua rave rahi te mau fare pureraa ta'na i haere e ua titau-atoa-hia oia ia haere mai i te hoê putuputuraa a te Ekalesia. I reira anaanatae

atura to'na aau i te faarooraa i te mau haapiiraa a te Ekalesia e aita i maoro i muri mai, baptizohia'tura oia i roto i te Ekalesia nei.

I to'na haere faahouraa i Korea, i te matahiti 1951 faatoroahia'tura oia ei taata faatere no te Haapiiraa a te Hau no te ohipa ravaai tei ino roa i te tau tama'i. E i te noaaraa ia'na te faatereraa i nia i te feia api, haamata oioi atura oia i te haaparare i te mau parau matamua no te Evanelia i roto i to'na iho utuafare, e aita i maoro i muri iho baptizohia i hora ta'na nau tamaiti e piti. E i roto i te mau ava'e i muri mai parare atura te faaroo o teie nei utuafare i nia iho i te tahi atu â mau utuafare. Ua tamau atura oia i te faatereraa i te tahi mau pureraa i te oire ra o Pusan e i teie nei na haere te ohipa a te Fatu i te rahiraa i taua fenua ra na roto i te itoitō o taua taote ra o Kim. I te mahana Pakate i mairi a'enei ua baptizohia e hitu na taata, o Korea ia, e te faehan, e i te ava'e no Tiunu i mairi a'enei ua faaterehia te hoê amuiraa o tei faaterehia e te mau taata Korea iho.

Te Peresideni no te Pupu Aposetolo.

Te hohoa i nia i te api matamua no teie ve'a, o te hohoa ia no to Iosepha Fielding Semita. Oia ia te peresideni no te pupu aposetolo no te Ekalesia nei.

Tei raro a'e ia'na te mau ohipa huru rau. Tei ia'na te ohipa haapaoraa i te mau Hiero no te Ekalesia, e te mau tuatapaparaa parau atoa no te mau taata i roto i te Ekalesia nei. Noa'tu ra teie ohipa rahi, e noa'tu ra hoi, ua mairi te 70 o to'na ra matahiti, te tamau noa nei â oia i te ohipa Evanelia i te mau mahana atoa.